



Jens NapätôK', Naleraq
Inatsisartunut Ilaasortaq
Inatsisartut@inatsisartut.gl

Nassiussat kinguaattoortarnerat pillugu § 37 naapertorlugu apeqquteqaammut 2026-111-mut akissut

Asasara Jens NapätôK'

Dato: 09-07-2026
Sagsnr.: 2026 - 12500
AKT-ID.: 26618480

Inatsisartut suleriaasianni § 37 naapertorlugu nassiussat kinguaattoortarnerat pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Timmisartukut nassiussat qanoq annertutigisut ullumikkumut Nuummi Ilulissanilu uninngappat, soorlu illoqarfinnut ukuusinnaasunut ingerlaqqittussat; Upernavik, Qaanaaq, Uummannaq, Tasiilaq & Ittoqqortoormiit?

Akissut: Apeqqutivit akineqarnissaanut Air Greenland apeqquteqarfigineqarpoq, tassangaanniillu ilisimatitsissutigineqarpoq:

"30. juuni 2026-mi Nuummi nassiussanik kinguaattoortunik ingerlateqqinneqartussanik soqanngilaq. Nassiussat Ilulissat tungaannut ingerlaqqittussatut tikittarput. Piffissaq nassiussat ikinnerpaaffigisaat atuuppoq, tassanilu niuertut naatitaarniallu amerlanerusunik nassiussinissamut inniminniisinnaangillat. Timmisartut ilaasunik immerneqartarput.

Nassiussat Ilulissanut akunnitsinneqartut, sumiiffinnut allanut ingerlateqqinneqartussani, Upernavimmut, Qaanaamut, Qaasunut / Uummannamut ingerlateqqinneqartussat 1000-1400 kg-nut missiliorneqarput.

Kalaallit Nunaata Kangiani Kulusummut, Tasiilamut aamma Ittoqqortoormiinut Nuuk aqqusaarlugu, tassalu Ilulissat aqqusaarnagit nassiussat 200-300 kg-t missaanniipput. Nassiussat taakku kinguaattuunngillat, aammalu 01. Juulimut inniminnigaapput, pilersaarutit malillugit timmisartumut ilaatinneqartussatut naatsorsuutigineqarlutik.

(Ilulissat) 30. juuni 2026-mi ornigassanut ukununga nassiussat imatut amerlassusillit ingerlateqqinneqassapput, taakkulu ilaat apuunneqarnissaminnut kinguaattoorsimapput:

- Upernavik: 200-300 kg.
- Qaanaaq: 600-700 kg.
- Qaarsut / Uummannaq: 200-300 kg.

Sapaatit akunnerini ukunani Ilulissani kianngaq unammillertitsivoq, taamaattumillu oqimaassusissamik killilersuinerit peqqutaallutik nassiussanik niusisoqartariaqartarpoq /

usiliussisoqartariaqartarpoq. Pingaartumik greenpack-it (nassiussat siulliunneqartussat) timmisartuussinernut kingullernut ilaatinneqarsimapput."

Apeqquut 2: Timmisartukkut nassiussat sumiiffissanut taaneqartunut pilersaarutaasumik tikiffissaannut sanilliullugu qanoq sivilisutiginisumik apuunniartarpat?

Akissut: Apeqquutivit akineqarnissaanut Air Greenland apeqquaqarfigineqarpoq, tassanngaanniillu ilisimatitsissutiginineqarpoq:

"Tunngaviumik Air Greenland nassiussat allakkallu ingerlateqqinnissaannut piffissanik aalajangersimasunik atuutsitsinissamut qulakkeerineq ajorpoq. Assartugassatta tamarmik angalanissanut pilersarummi pioreersumi e.timmisartuni pisinnaasat, kiisalu aallartussat assigiinngitsut akulikissusaat napertorlugu naatsorsuutigisanut sinaakkusiussat iluanni pilertornerpaamik naammassinnittarnissarput anguniarparput.

Tunngaviumik nunami namminermi DASH8-t 29-nik issiavillit aammalu 800-900 kg-t missaannik usinnaasut atorlugit pisinnaasat naammattut – e. oqaluttuarisaanermi paasissutissat, kiisalu siunissami niuerfinnut naliliinerit tunngavigalugit – immikkoortitaapput, tamannalu nassiussanik allakkanillu timmisartuussinermi ilusiliussaavoq pingaarneq.

Nassiussanut allakkanullu pisinnaasassatut immikkoortitat tunngavigalugit, tunngaviumik sapaatit akunnerata ataatsip ingerlanerani nunami namminermi timmisartuussinermi naatsorsuutiginngisamik pisoqartinnagu naammattussaapput."

Apeqquut 3: Ukiup kingulliup iluani timmisartukkut nassiussat sapaatip-akunnera ataaseq sinnerlugu, sapaatit-akunneri marluk sinnerlugit kiisalu qaammat ataaseq sinnerlugu kinguaattoorsimanersut qassit nalunaarutigineqarsinnaava?

Akissut: Apeqquutivit akineqarnissaanut Air Greenland apeqquaqarfigineqarpoq, tassanngaanniillu ilisimatitsissutiginineqarpoq:

"Apeqquutini taamaattuni kisitsisinik eqqoqqissaartunik saqqummiussisinaanngilagut, kisiannili sinnerissamut nassiussat allakkallu ullut 30-t sinnerlugit kinguaattoortarnerat qaqutigoortorujussuavoq.

Mittarfiup nutaap ammarnerata kingorna piffissat ilaanni piffissat akunnitsitsiffiusartut sivilisungaatsiartarsimapput, tamatumunngalu teknikki silalu, kiisalu Nuummi mittarfiup nutaap ammarneqarnerani sullissinikkut unammilligassat peqqutaasarsimapput. Kiisalu 2025-p naanerani nassiussalereriaatsimut nutaamut ikaarsaarnermi sullissineq unammillerfiusimavoq, tamannalu nunami namminermi piffissat assartuussiffiusut sivitsornerinik kinguneqarsimavoq."

Apeqquut 4: Nuummi ilulissanilu timmisartukkut nassiussat unittuukulasarnerat katersuuttarnerallu suut pissutaappat?

Akissut: Apeqquutivit akineqarnissaanut Air Greenland apeqquaqarfigineqarpoq, tassanngaanniillu ilisimatitsissutiginineqarpoq:

"Air Greenlandip nunami namminermi angallaviini kinguaattoortarnernut timmisartuni qulimiguulinnilu naatsorsuutiginngisamik teknikkikkut eqqugaasarnarput, kiisalu silap timmisartuussinernut killilersuisarnera nalinginnaasumik peqqutaasarpur. Tassalu piffissani teknikkikkut eqqugaaffitsinni silalluunniit unammillertitsiffiini nassiussat kinguaattoortarput, taamaattoqartillugu timmisartut ilaasunik immerneqartarmata

taamaalillunilu nassiussanut pisinnaasagut killilernerqartarmata, taamaalillunilu piffissaq nassiussanik kinguaattoorutitsinnik naammassinninniarfissarput sivitsortarluni."

Apeqquut 5: Naalakkersuisunit nalilernerqarpa avannaanut tunumullu timmisartukku nassiussat maanna naammattumik uninngatitsivimmik peqarnerisut?

Akissut: Air Greenland A/S-ip oqaluttuarisaanermi paasissutissat tunngavigalugit timmisartut Dash 8-t atorlugit timmisartuussinermi ataatsimi nassiussanik usisinnaassusia 800-900 kg-nut annertussusiligaavoq. Ingerlatseqatigiiffik naliliivoq, pisinnaasassatut immikkoortitat ingerlatsinermi pissutsit nalinginnaatillugit nassiussanut pisariaqartitanut ingerlaavartumik isumaginnissinnaanissamut, taamaalillunilu tunngaviummik sapaatit akunnerisa ingerlanerini nassiussat patajaatsumik isumagineqarsinnaaneritut naammattut. Naalakkersuisut allatut naliliinissaminut tunngavissaqanngillat.

Tamatunngali peqatigitillugu Naalakkersuisut oqaatigisariaqarpaat, sullisseriaaseq naatsorsuutiginnisamik pisoqartillugu sunnertiasorujussuusoq. Ingerlatseqatigiiffik unammilligassanit eqqorneqartillugu, soorlu silarlutsillugu, teknikkikkut ajornartorsiuteqartoqartillugu imaluunniit piffissami angallaviunerpaasumi pisinnaasatigut eqqorneqartillugu erngerluni akimmiffissaqalertarpoq. Ilaasussat salliutinneqartussaammata nassiussat usisinnaasat annikillisarput, tamannalu piffissat ilaanni utaqqinernik kinguneqarsinnaavoq. Naalakkersuisut isumaat malillugu tamatumani erseqqissarneqarpoq, sulit ingerlasussanik piareersaasernerup aaqqissuussisarnerullu nukittorsarneqarnissaasa, aammalu sullisseriaatsimi sunnertiaffit ikilisarneqarnissaasa aallunneqarnerannik ingerlatsiinnarnissaq pisariaqartoq.

Apeqquut 6: Avannaani tunumilu innuttaasunut suliffeqarfinnullu utaqqisitsisarnerit ikilisinniarlugit kiisalu pilersuinerit patajaannerusut qulakkeerniarlugit Naalakkersuisut suut aallunniarpaat?

Akissut: Naalakkersuisuniit ineriartorneq malinnaaffigilluarneqarpoq, aammalu suliniutit, pilersuinerup isumannaassusianik nukittortitsisinnaasut, nassiussanillu assartuussisarnerup patajaannerulernissaanut iluaqutaasinnaasut aallunneqarlutik.

Allannguutip malunniuteqarnerpaasussap 2026-mi ukiakkut pinissaa naatsorsuutigineqarpoq, tassani ilulissani nunani tamalaani mittarfik nutaaq ammartussaammat. Mittarfik nutaaq allannguinerinik aammalu nuna tamakkerlugu ingerlasussanik piareersaasernerup aaqqissuussisarnerullu pitsaanerulersinneqarneranik kinguneqartussatut naatsorsuutigineqarpoq. Ilulissanut ilulissaniillu Imapik qulaallugu toqqaannartumik timmisartuussisalernissaq maanna nunami namminermi timmisartuusseriaatsinut oqilisaataassasoq, Kalaallit Nunaata Avannaani nassiussanik toqqaannarnerusunik nassiussisinnaalernermik pilersitsiffiussasoq, aammalu angallaviit sinnerinik pisinnaasanik atugassiinermik kinguneqassasoq naatsorsuutigineqarpoq.

Tamatuma saniatigut 2025-p naanerani assartuusseriaatsimut nutaamut ikaarsaarnermut atatillugu aallarnisarnermi ajornartorsiutit sullissinermilu unammilligassaalersimasut pillugit Naalakkersuisut Air Greenland A/S qanimut oqaloqatigisarpaat. Sullisseriaaseq tamakkiisumik atulerpat tamanna sumiissusersisarnerup pitsaanerulerneranik, nassiussalerinerullu pitsaanerumik isumagineqalerneranik kinguneqassasoq naatsorsuutigineqarpoq.

Ilaasunut nassiussanullu pisinnaasat, pingaartumik piffissani angallaviunerpaasuni, ingerlaavartumik oqimaaqatigiissinneqarnissaannut, kiisalu nassiussat kinguaattoortut sila imaluunniit teknikki eqqarsaatigalugit nalinginnaasumik ingerlatseqqilernermi pilertortumik pitsaasumillu isumagineqarnissaannut periarfissat pillugit Naalakkersuisuniit Air Greenland A/S-ip oqaloqatiginera ingerlateqqinneqassaaq.

Nassiussat allakkallu kinguaattoortarnerat innuttaasunut inuussutissarsiortunullu unammilligassanik pilersitsiffiusarmata Naalakkersuisut paasilluarpaat, aammalu attaveqaasersuutini allannguutissat nassiussalerinermik isumannaannerusumik patajaannerusumillu ingerlatsinissamut iluaqutaajumaartoq naatsorsuutigaat.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga


Iddimangiiu Jensen Bianco